

# Kinwaati ki Ju-ut Fiee fi nuun le Kinwaati ki Jut kini

Jut tɛ tɛɛ kinwaati kini le nyɛ ntifi li bɛniin li le be ni dzeti mfi bɛ bɛniin bɛ kwɛngi le be baa bɛniin bɛ kimbeenche-ɛ, be yɛngi bɛniin bɛ ntiife wu binsɛɛ. Tɛ tɛɛ bieɛ bimɔ bi nuun nɛɛ yɛɛ si bi nuun le kinwaati ki Pita ki kinɔa kifɛ-ɛ. Tɛ tɛɛ le nyɛ ntifi li bɛniin bɛ tɛ tɛɛ li bee le be ni be gwii be baŋgi mbeenche wu cheɛ wu bɛ tɛ nyɛ li bɛniin bɛ tɛ nuun bɛ Nyɔ-ɔ, le kimbeenche kini nuun fiee fi bɛ tɛ nyɛ kituŋ mfɔaa mumkpaŋ fimɔ mɛɛ yɛ lu kɛ (1:3).

## **Bikoo bi bieɛ bi le Kinwaati kini**

1-2 Mbɛɛche

3-16 Kinɔe, bɛ nlaanche, mɔɔ ŋɛ wu bɛniin bɛ ntiife bɛ binsɛɛ le

17-23 Ntiife wu kii le bɛniin ni be lemi li kimbeenche kibee

24-25 Nlɛkɛ li Nyɔ-ɔ wu n'yɔɔnche

<sup>1</sup> ɛ mi Jut ŋɔɔnɛ nime wu Jiso Krai, nnuun ŋɔɔni Jeɛ. Ntɛkɔɔ kinwaati kini li bɛniin bɛ Nyɔ Taa teen, be se tsiin li kinɔŋgise kee li, be se nuun li tsan yi Jiso Krai.

<sup>2</sup> Nshiin yi Nyɔ bɛ mbɛɛŋgii mɔɔ kinɔŋgise bi ni bi nuun bɛ beŋ bi kuu bi giingɔ bulimfwɛɛ.

*Bɛniin bɛ ntiife-ɛ bɛ binsɛɛ le*

<sup>3</sup> Nsán yey yi shén, ntuu mbeechi nge le ngii ntsee li be-en kii kinsofu ki teebeñ bechu keme, mi nse ndza mi nge le fi dzoon nge le ntsee nleke beñ le ne ni ne gwii ne teendi kimbeenché ki be të nye li bee be nuun beniin be Nyɔ-ɔ. E fiee fi be të nye li bee li mfwa mumkpan, fi ma le.

<sup>4</sup> Ntiitɔɔ ni kife beniin bamu ween baa be le le be-en lenti, nuun be be të tsee kii be meen lindeerɔ le Nyɔ gee ye nge wu be. Bani nuun beniin be faan Nyɔ, be dzeti shén yi dzeen yi Nyɔ be fikisi yi tuu fiee fi be nyimi le lekwiin be feti biee bi nyen, be tuu be fengi Te Kikoo wusen wu Taa Jiso Krai, wu ba nee wu kwaa.

<sup>5</sup> Deeni ɲ'wekɔɔ le ntuu kimi beñ kii biee bimu mɔɔ nuun le ne kii baa kii bi bujon. Taa të buu beniin bee li kween wu Iji-ip, be se bo li nge-e, se nuun le, të tuu kaari leeshe beniin be të meen ki gee ke shén li wuu ke.

<sup>6</sup> E nee le te si benchindaa bee be të lemi ye fe të gee be ke, be të chine bintsii bi te nuun bi bee bi ntsee bi tsaan baa, wu gee be li bencha be kimake-e, fe kintsii ki jimi ni fii, fe be gii be ni be nuun fe nsin geen bo Jobe chi nona chi nsa-a.

<sup>7</sup> Fi se fiee nee te le si Nyɔ të duuri kitor ki Sɔdon be ki Gɔmɔra be wi wu kimake, mɔɔ biton bi të nuun li bi-i lichin, bi të tsiin ntse wu nyen yi bukwee, bukeen bee bunin dzeti yi yibe be feti be yi nuun ye le dze yi Nyɔ të ton le wi ni feti le ke. Fiee fini fiee mbose yi fiee fi gii naa fi ka be beniin be tsiin ɲwaani wuni ntse.

<sup>8</sup> Mɔɔ si fi nuun ni, beniin bani dzɔ baa nuun nee kinge kilu. Be bifisi yih yibe, be fengi wi wu sɛki be,

be gaashi fiana yi liboo. Be feti le be kwenji le fi fiεε le kifε be njiŋgi bieε le bifieε li.

<sup>9</sup> Mfi wu Maake wu nuuŋ kikoo ki benchindaa be Nyɔɔ tɛ gwii le gwini chi Mɔɔse lewe, bee bin̄kundi nukini gwini chilu, tɛ mɛɛŋ mɔɔ ki buu kɛ jɛ yi bifi le yɔ li kin̄kundi-i kɛ, tɛ tuu li ki-i nuuŋ le, “E Taa wu gii naa saa wɛ\*.”

<sup>10</sup> Beniinj bani gaashi bieε bichu bugaashε bi be kii yε si bi nuuŋ kɛ. Be feti nuuŋ bieε bi ŋgɔŋ mɛ bee wɛki si nyɔŋ yi tɔɔ. Se nuuŋ nɛε bieε bilu bi bifisi be.

<sup>11</sup> Nge wu nyɔŋa wɛ li bee! Be bieε baa kika ki Keen le. Be dza baa be kun̄gi nuuŋ kwa be se le li bibifi si Balaan. Be tɛɛmi bikoo nɛε si Kora, be se gii naa be kwiye nɛε si Kora tɛ kwi le.

<sup>12</sup> Bani beniinj baa be kin̄jirε le be-ɛŋ lɛnti mfi wu nɛ jii tsɔnɔ chi kin̄kɔŋgisε kin̄ε-ε. Be shiin be feti si bwɪ li mfi wu bieε bijε wuni, wi bichi nɛε nuuŋ fɛ yi yee li, buya tɛ kɔɔ wu kɛ. Be nuuŋ si kin̄uŋ fɛ ki banche dzaan ŋ'wɛ nsin, mfieε ka yi shaanshε ki. Be baa tɛ si biti bi wundi yε muntaan kɛ mɔɔ nuuŋ fɛ ndzɛɛŋ. Be baa si biti bi be mubε likwiinj. Be kwi baa be ka be tuu be kwi.

<sup>13</sup> Be baa si dzɔɔ yi nyɔŋa yi kin̄kun̄ku fɛeti ki yekisi liwe, kin̄ge ki bee ki buya kɛε si befuu be kin̄kun̄ku fɛeti ki yekisi le dzɔɔ li lewe. Be baa si muntsɔŋ mu den̄gi waa yee. Nyɔ nachε yε bintsii bi jimi ni fiii kituŋ mfi kwi, yi gɛε li bee.

<sup>14</sup> Enɔ wu kin̄gɔkɛ kee tɛ nuuŋ ki mfomenyaan mbɛɛche li Ada-an, tɛ kɔɔ wu yɔ si ntomfɔŋ wu Nyɔ, kii beniinj bani tiiti le, “Biche yɛɛŋ nɛ ŋɛŋ, Taa gii

---

\* **1:9** Filon fini feni nuuŋ yε kin̄waati ki Nyɔɔ kɛ.

naa be be kintutu ki benchindaa bee be waan be nuun li benchuki-i, li benchuki-i,

<sup>15</sup> le saa wi kwikwi. Gii naa be doonche kinge ki bifi kichu ki beniin bechu be kii ye Nyɔ ke tɛ feti si be tɛ faan yi bufanu mɔɔ jɛ yi kinasine chi yi beniin be bifi tɛ shiin be tiiti kii Nyɔ.”

<sup>16</sup> Beniin bani nuun be ti shiin be nunini mfi kwi, be gundi beniin bamu, be biki neɛ nuun fieɛ fi yi yibe neki yi kɔngisi, be tsakisi yi li yee li, be yengi beniin be jɛ yi yiki le be se kemɛ bieɛ bi be weki.

### *Ntifi kii bieɛ bi gii naa bi ni bi keti*

<sup>17</sup> Se nuun le, nsán yɛn yi shɛn, nɛ kiimi yɛɛn bieɛ bi bɔɔn be nto-on be Taa wuseɛn wu Jiso Krai tɛ tee li be-en le bi gii naa bi ka.

<sup>18</sup> Be tɛ tee li be-en le, “Fɛ gii ni nuun li jo yi lɛ kimɛrise-ɛ, beniin be nchoose-ɛ gii be nuun be tsiin ye ntɛ si Nyɔ weki ke, be gii be ni be feti nuun bieɛ bi yi yibe yi nyinini weki.”

<sup>19</sup> Bani beniin baa be ti beɛ be buga lɛ beniin li lɛnti, be biki nuun bembeeche be buti li be fa, be kemɛ ye Fiana yi Nyɔ li yih yi be-e ke.

<sup>20</sup> Se nuun le, nsán yɛn yi shɛn, gwanɛ yɛɛn yi yinɛ nɛ ni nɛ lemi neɛ nuun li kimbeenche kinɛ ki nuun ki waan, nɛ lɛki li Nyɔ-ɔ mfi kwi li bunɔa bu Fiana yi Waan lɛ.

<sup>21</sup> Ba yɛɛn nɛ ni nɛ nuun neɛ li kinɔngise ki Nyɔ-ɔ, nɛ tɛngi Taa wuseɛn wu Jiso Krai wu gii kɔɔ nshiin, fɛ nɛ lɛ li ntɛ wu kimake-ɛ.

<sup>22</sup> Nɛ keeti nshiin be beniin be mɛɛn li mɛninɛ-ɛ.

<sup>23</sup> Nɛ choofi yɛɛn beniin be nuun fɛ wi-i, nɛ suuti be. Nɛ keeti nshiin be beniin bamu, se nuun le, ɛ

nε keeti nshiinj lε, nε dzeti mfi. Nε baanini mɔɔ ndú yibe tε yi be liibi bε ntse wube wu bifi.

*Nlεε li Nyɔ-ɔ wu n'yɔɔnche*

<sup>24</sup> N'yɔɔnche ni nuuj li Nyɔ-ɔ! Ɛ yi yi nuuj yi ni yi kiichi benj le nε we kε, yi gii se bε bε benj li bunɔɔa bu yi-i limfwe nε nuuj chɔ nsinj, nε nuuj bε kinεεtine.

<sup>25</sup> Tε ni tε nyεε n'yɔɔnche li Nyɔ yi nuuj Kinsofu kisenj ki ba nεε ki kwaa, keti li Jiso Krai wu Taa wuse-εɲ. Bunɔɔa bε bumfɔɲ bε bunɔɔa mɔɔ nsawu kemɪ nεε yi yi Nyɔ mbεεche si nshε tɛ bechi mbε mbochu dεeni mɔɔ mfi kwi ma sinj. Fi nuuj lε.

## **Sari**

### **Sari: Sari (New Testament+)**

copyright © 2024 Wycliffe Bible Translators, Inc.

Language: Sari

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

---

PDF generated using Haiola and XeLaTeX on 25 Apr 2025 from source files dated 26 Apr 2025

0b48302f-d71e-5995-a8f4-98013bf8b3d2